

广东通志

廣東通志

廣東通志卷三百二十九

甲子重刊

列傳六十二

釋老二

五仙人

浮邱公

安期生

桂父

東郭延年

毛公

朱靈芝

華子期

姚俊

康容

甘始

董奉

盧航

梁盧

王佐

潘茂名

葛元

葛洪

黃野人

鮑靚

許邁

單道開

任敦

張岳

廖沖

蘇元朗

清遠道士

木鄧子

葉法善

申太芝

司馬退之

蔡天一

陶八八

王野人

韓湘

王錫

軒轅集

羅萬象

劉瞻

黃勵

黃步松

烏利道人

胡衍

安昌期

鄧守安

陸惟忠

鍾鼎

雷隱翁

陳楠

韓生

葛長庚

鄒師正

崔羽

魚肉道人

無語道人

莫洞觀

朱橘

梁彌仙

林道玖

范嵩

王偉素

藍喬

然公

雲谷老人

蕭集虛

劉佛子

徐子明

簡雲顛

李宗本

李春

周恩仁

袁金蟾

梁可瀾

唐秩

唐鶴壽

林癸午

羅清

龔法士

劉高尙

鄺仙

王岐

陳代仁

葛道人

黃賓臣

鮑姑

劉三妹

盧眉娘

何二娘

何仙姑

韓氏九仙

妙明真人

孫道姑

以上老

五仙人周時南海有五仙人騎五色羊各持穀穗
一莖六出衣與羊色各如五方降於楚庭遺穗騰
空而去羊化爲石城因以名

太平寰宇記

謹案太平御覽云周顯王時高固爲楚相
有五仙人降於楚庭云云吳志周瑜傳注
瑜曰昔楚國初封於荆山之側不滿百里

之地繼嗣賢廣土開境立臺於郢遂據荆陽至於南陽如瑜之言是春秋時南海固屬楚地然高固既爲相當在郢都不應反處南海遐陬之地蓋此事本之裴氏廣州記沈氏南越志小說九百本自虞初未可盡信也或以爲在趙佗時或以爲吳滕脩時或以爲晉郭璞時更無可考矣

浮邱公南海人周靈王時偕王子晉入嵩山後適

羅浮得道

大清一統志

常往來廣州西門外後人指

其地建浮邱社塑像祀之

廣州府志

黎民表朱

明館記劉向列仙傳稱浮邱公道王子喬於崧山上昇而一統志以爲浮邱伯姓李氏實一人也是時南海猶在荒服之外

乃有其遺跡豈飛行所至耶或曰茲山舊在海中
浮游上下如所謂三神山者域外之談存而不議
也

安期生瑯邪人賣藥東海邊時人皆言千歲也

列仙

傳

始皇異之賜以金璧直數千萬安期生去而置

之於阜鄉亭以赤玉舄爲報畱書曰後千歲求我

於蓬萊山

藝文類聚

蓬萊山在海中

山海經

始皇使徐福

入海求仙藥多齎珍寶童男女三千人五種百工

而行徐福得平原大澤止王不來

漢書伍被傳

皆以風

爲解曰未能至望見之焉蓋嘗有至者諸仙人及

不死之藥皆在焉其物禽獸盡白而黃金銀爲宮

闕未至望之如雲及到三神山反居水下臨之風

輒引去

史記封禪書

乃立祠阜鄉亭海邊數十處云齊

人李少君自言少好道人泰山採藥脩絕穀遯世
全身之術道未成而病困於山林中遇安期生叩
頭乞活安期生憫其有至心而被病當死乃與神
樓散一七服之卽起少君於是求給奴役師事之
遂將少君東至赤城南之羅浮北至太行西遊玉
門周流五岳往返江山者數十年一旦告曰我被
元洲召卽日當行汝未應隨我今當捨去也須臾
有乘龍虎導數百人來迎安期生乘羽車昇天少
君遂還臨淄市壽數百歲相傳蓬萊山三島浮山
其一也安期生在羅浮時嘗采澗中菖蒲服之至

今故老指菖蒲澗為飛昇處

黃志仙傳贊寥寥安期虛

質高清乘光適性保氣延生聊娛秦始遺寶阜亭將遊蓬萊絕影清冷

謹按記載家皆謂安期生有二一以大棗

食李少君者一姓鄭采菖蒲者故黃志安

期生傳紀其采蒲絕不引史記與棗事今

細考之始知采蒲與棗仍屬一人黃志曰

安期生瑯邪阜鄉人賣藥海邊漢書郊祀

志安期生與李少君大棗如瓜其注中引

劉向列仙傳同此數語可知黃志亦本劉

向之言並無二安期生也

桂父常食桂葉見者知其神尊事之一旦與鄉曲

別飄然入雲

初學記引裴氏廣州記

其服桂及葵以龜腦和

之千九十斤桂采諸賁隅之東

謹按山海經曰桂林八樹在番隅東

有累世見之者今荊州之南尚有桂丸焉

黃志晉郭元

祖列仙傳贊偉哉桂父挺直遐畿靈葵內潤丹桂外綏怡怡柔顏代代同輝道播東南奕世莫違

東郭延年方士也為曹操所錄問其術而行之

後漢

書

延年自秦時隱居增城山數百年如壯者愛嗇

精神不極視大言嘗服靈飛散自言得之李少君

煉服九鼎丹能在暗室中夜書又身內生光遠照

小物見其采色能役使鬼神忽一日數十人乘虎

豹來迎之延年遂詣崑崙山去增城山即羅浮山

也

嶺海名勝記

謹案黃志及嶺海名勝記俱作東郭延字
幼平一字延年山陽人今從後漢書又後
漢書注引漢武內傳曰延年字公游今所
行漢武內傳本無此語

毛公漢初人名翕唐令狐楚云太湖中有西洞庭
山山中有毛公塢毛公道成移居羅浮山三百餘

歲弟子七十二人

羅浮山
志會編

朱靈芝其先大宛人也後徙北谷師事太素真人
受青精飢飯方餌之能一日九食亦能終歲不饑
棄捐妻孥南來羅浮隱居修煉太清神丹九鼎功
成日嚙一銖內視服氣者三十五年五色鳥銜赤

芝取而茹之初無名字人稱青精先生至是因名
靈芝復得玉珮金璫之道禮華蓋隱元之星叱咤
風雷攝召鬼神積行樹功累德增善乃白日昇天
而去膺受圖籙爲太極仙鄉治朱明耀真洞天其
棲息處右朱子庵又有朝斗壇焉

嶺海名勝記

華子期淮南人師事角里先生授隱仙靈寶方書
一曰伊洛飛龜秩二曰伯禹正機三曰平衡方按
合服之漸還少壯日行五百里力舉千斤一歲十
二易其形後仙去居羅浮受命治泉源福地

嶺海名勝記

記

姚俊字翁仲

嶺海名勝記

錢塘人少爲郡吏漢末入增

城山中學道遇東郭幼平幼平秦時人久隱增城
得道者也幼平授俊服九精鍊氣輔星存心之術
俊修之道成在東華宮中爲北河司命

太平御覽

康容道士也漢末隱韶州芙蓉山鍊丹昇僊山半
有庵丹竈遺址尚存潁陽有方七千者於果業寺
東嶺鍊金變形羽服登仙石座丹竈存焉見唐元
傑洞谷銘又五代時有黃步松者隱身不仕嘗修
煉山中遇葛仙點悟丹成羽化而去後人名其所
居曰遇仙洞卽今之南山寺也南漢鍾允章碧落
洞天雲華御室記云有一道流欽容而至自稱野
人本無姓名云昔時葛先生於此石室煉丹砂藥

成息歛躡雲西舉令野人且伏火延神秘丹於靈

府豈野人卽步松耶

黃志

甘始者太原人也善行氣不飲食又服天門冬行房中之事依容成元素之法更演益之爲一卷用

之甚有近効治病不用針灸湯藥

黃志

老而有少容

諸術士咸共歸之曹植嘗辟左右獨與之言問其

所行始言本師姓韓字雅

謹按張華博物志韓字世雄

嘗與師

於南海作金前後數四投數萬斤於海又言取鯉

魚五寸一雙令其一著藥投沸膏中有藥奮尾鼓

鰓游行浮沉有若處淵其一者已訖而可噉植問

可試否曰是藥去此踰萬里當出塞始有不自行

不能得也

後漢書注

董奉字君異侯官人也士燮嘗病死已三日奉以一丸與服以水含之捧其頭搖稍之食頃卽開目動手顏色漸復半日能起坐四日復能語遂復常

三國志注引
葛洪神仙傳

盧耽仕州爲治中少有棲山之術善解飛每夕輒凌虛歸家曉則還州曾元會曉不及朝則化爲白鵠至閣前迴翔欲下威儀以箒擲之得一隻履耽乃驚還就列時步隲爲廣州刺史意惡之便以狀列聞遂至誅滅

太平御覽引鄧德明南康記

耽後題其門曰珠

門國雖存無射年欲知此書盧耽還太守削之隨